

ГЕРОИНЯ НЕБЯ.

Ламбай' Анна недя няна' сава.
Ю' нгацекэмди' пыда вада.
Яб' ёльцьнганна пыдо' сояць.
Мал' тарана хибярингэ хаяць.

Хэто нюди' сава ты пэртя.
Вакоди' нгани' сава ханена.
Планди' сававна пандамбиди'.
Премия нгахат ня'марпиди'.

Понеди' няръяна мякана
радиом пэртянгэ тара.
Айна вынггы Советхана
паднанангэ манзара.

Оло нюди' юдимдей по'
нгарка колхозандо' нерм пэрнга.
Сэр'не ненюди' врачнгэ тара,
сита ненця' саць саву'нга'.

Ёнкоди' лётчикнгэ тохобэй.
Харта вында нимня пыда тирнга.
Некоди' тю'уй школам ёльце,
теда' пыда тохолкода не.

Наяди', Петяди' нюдяха'.
Тедари' тамна тоходаннгаха'.
Школам ёльце'махаданди'
тарана хибянгэ хантангаха'.

Ти Ламбаянд семьяда хурка.
Ти Аннада небянгэ хурка.

Нгадьбянда нго' мале мат' по'
Анна Титовна' лэмбарахана
„Героиня небя“ паской орденда
Нев' сэв маямламби.